

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 447636 23 St
Datum: 09.04.2024. godine

Općinski sud u Tuzli, stečajni sudija Vedran Milašinović, u stečajnom postupku nad imovinom dužnika Udruženje građana „SIN - SOL“ Tuzla, ulica Izeta Sarajlića 2, dana 09.04.2024. godine, donio je sljedeće

RJEŠENJE

Skupština povjerilaca zakazana za dan 11.04.2024. godine u 12,00 sati na kojoj je bilo predviđeno održavanje prvog ispitnog ročišta i izvještajno ročište se neće održati u zakazanom terminu.

Novi termin održavanja skupštine će biti određen odmah po ispunjenju uslova.

Ovo rješenje će biti objavljeno na oglasnoj tabli i elektronskoj tabli (web stranici) suda.

Obrazloženje

Rješenjem broj: 32 0 St 447636 23 St od dana 29.01.2024. godine otvoren je stečajni postupak nad imovinom dužnika Udruženje građana „SIN - SOL“ Tuzla, ulica Izeta Sarajlića 2, te je zakazana skupština povjerilaca za dan 11.04.2024. godine u 12,00 sati, na kojoj je bilo predviđeno da se ispituju prijavljena potraživanja, te da se nakon toga održi izvještajno ročište na kome će se na osnovu izvještaja stečajnog upravnika odlučiti o daljem toku stečajnog postupka, odmah nakon ročišta za ispitivanje prijave potraživanja.

Protiv navedenog rješenja je izjavljena žalba dana 06.02.2024. godine, te je predmetni spis prosljeđen radi odlučivanja o žalbi Kantonalnom sudu Tuzla dana 09.02.2024. godine.

S obzirom da do dana donošenja ovog rješenja nije odlučeno o žalbi, a imajući u vidu obim pobijanja rješenja i žalbene razloge, te značaj radnji koje stečajni upravnik vrši na ispitnom ročištu i prvom izvještajnom ročištu (na kojem se donose bitne odluke o daljem toku stečajnog postupka), kao i činjenicu da se kod suda fizički ne nalazi predmetni spis, sud je odlučio kao u dispozitivu.

Rješenje će biti objavljeno na oglasnoj tabli i elektronskoj tabli (web stranici) suda radi upoznavanja svih učesnika, naročito imajući u vidu da prvi dan Ramazanskog bajrama pada na dan 10.04.2024. godine.

Stečajni sudija
Vedran Milašinović

Pouka o pravnom lijeku:
Protiv ovog rješenja nije dozvoljen pravni lijek.